

LES ADIEUX

DE LA FRANCE,

à Madame sœur du Roy:
sur son voyage en Espagne.



A PARIS,


De l'Imprimerie d'Anthoine du Brueil, entre le
pont S. Michel, & la rue de la Harpe, à
l'estoille couronnée.

M. DC. XV.

VOL. 2
P. 1
39
326

1615 ad

THE NEWBERRY
LIBRARY



LES ADIEUX DE LA

France à Madame sœur du Roy,

sur son voyage en Espagne.



Grand Roy qui delais-
sez vos humeurs ca-
uallieres, croyés nous
maintenant qu'à bon
elcien vous ayez esté

aduilé de vostre oracle, de vostre
vainqueur? Ceste Deesse, ceste In-
fante d'Espagne que vous reuerrez
en l'ame se cōmunique elle en vos
idees, si pleine de puissance qu'elle
rende sujete vostre inclination aux
plus simples regards de son amou-
reux pourtraict? sera il possible
que vostre Majesté laisse long temps
la terre tapissée de ses cognoissan-

A ij

ces, sans s'eclipser quelquefois du Ciel de son amour pour se redonner à son premier naturel ? vrayement SIRE, chacun de vos suiets l'a estime, ainsi puis que le sujet est si real que la totalite l'adore sur le seul bruiet de ses vertuz : Ce sont vos gloires grand ROY, qui se montrent doublement signalees, par l'acquis d'une si belle conqueste, & grandeur de vostre Majesté qui se decouvre pour s'estaller florissante au parc vniuersel du Monde : Mais que fera elle quand elle verra en peu de temps Dieu aydant, ce vif soleil, dont l'Idée vous embrase l'ame, releué des quatre parts en beauté dessus son pourtraict ? vostre France en redoute la passion, & craint qu'elle ne iette entre les bras de sa nouuelle Maistresse les puissances plus animees de son ame royal

Ha! SIRE, ie me perds au discours que ie vous tiës, entant qu'à plus diuin, sujet vous ne pouuez dependre vos affections: c'est certes ce bel astre de qui les Dieux empruntent leurs clartez, qui brille maintenant à vos esprits & qui curieusement & amoureusement vous inuite à entreprendre ce voyage en sa faueur. Ceste beauté que l'on conduit vers vous, se leue de son siege pour vous venir sacrer d'une double Couronne, où les estoiles éclatent en nombre infiny pour faire voir au monde comme elle vous est choisie des diuinitez, affin de glorifier en tiltre nompareil le brillant de vos sceptres: Il me semble que ie la voy desia en chemin, l'astre du ciel luy allant au deuant, suiuy de sa pompeule trouppes, pour vous la venir donner en guar-

de, & la mer se preparer de flots
doux & plaisans pour vous en faire
vn glorieux present. C'est Dieu SIRE,
qui veut perdre la memoire
des peines de vostre France & la
nourrir d'oresnauant en paix; où
des trois parts du siecle passe elle
n'auoit esté qu'en guerre: & à ceste
cause vous enuoye ceste Princesse
laquelle il embarque en les gloires
pour la ioindre à vostre coste, qui
vous apporte avec elle la bie vuest-
lance, affin que le monde cognois-
se comme de tout temps il benit vo-
stre Couronne: C'estont, SIRE, les
trophées du feu Roy HENRY LE
GRAND vostre Pere, de memoire
immortelle, qui ont mesnagé cet
affaire, c'est le toudre de sa valeur
qui à tonné aux yeux de l'Espagne,
qui comme s'enflant a eschauffé les
suiets & les peuples, & allumé en

eux vn desir de seruir à vos gloires ,
estant seconde de vostre magnani-
me bonté qui leur a leue le cœur du
corps , pour vous venir l'offrir en
hommage & par ainsi , les vostres **Sr-
RE** se treuuet prêts en ce temps à la
recherche de vostre seruice , & sous
le manteau de vostre autorité de-
couurent l'affection de leur ame ce
n'est qu'une pure redevance qui les
porte a ce respect, qui ne se peut le-
gitimement acquiter, si on ne s'a-
tache à la submission qui est deuë à
vostre Maïeste, & à la Royne no-
stre tres honoree Dame & Mai-
stresse, Car si nous considerons ce
qui est de glorieux en sa Maïesté,
entretenât nos esprits des preuues
genereuses qu'elle a faict voir à la
France, & particulièrement en cet
affaire conduite avec tant de pru-
dence, nous y rencontrerons des

appanages du celeste, & les cœurs
 presse d'ignorance s'eleueront de
 leurs lames pour ayder à publier la
 gloire que nous possedons de l'a-
 uoir pour Royne: & ainsi marchât
 dans le quarre du monde, rien ne
 scaura plus contreuenir à vos com-
 mandemens; au contraire toutes
 les grandeurs rechercheront vostre
 seruice, affin que vos Maiestez en-
 ueloppét le total de l'yniuers, pour
 donner vne pleine grandeur à ce
 qui est du merite de leurs vertus.

Et vous, Prince d'Espagne tres-
 Illustre reietton de la maison d'Au-
 trische, non moins estimé pour la
 grandeur qui releue les sceptres &
 les Diademes de vos predecesseurs
 que pour la vertu qui meurit vos
 ieunes ans, comme le reste de vos
 actions qui rait d'estonnement &
 de merueilles les peuples de toute
 la terre

la terre: c'est icy beaucoup de gloire
à vous mesmes, d'avantage de cō-
tentement à voz suiets de recevoir
pout presser les couronnes que le
Ciel vous reserue ceste viue & odo-
riferate racine des fleurs de Lys MA-
DAME ELIZABET DE FRANCE, qui
sort maintenant du lieu de la nais-
sance pour aller glorieusement cele-
brer par la preſence les douces &
amoureuses nopces de vostre ma-
riage.

Et vous, riche fleuron de noz Lys
à vostre partement, que delaissez
vous à la France, sinon vn riche sou-
venir de vos beautez, vertus & me-
rites. Et toy, France, que donne tu
à ceste ieune Princesse, en reco-
gnissance de tant de bien-vueil-
lance & d'amour qu'elle te portera
à ianais, bien qu'eloignée de toy,
no de cœur ny d'affectiō, mais seu-

tement de corps ? Qu'elle sera ma
 Princesse, la Couronne non le bou-
 clier ny la statue qu'en offrande
 nous vous presenteront, comme
 les victorieux es jeux olympiques
 à Iupiter ? quel encore l'onguent
 duquel nous parfumeros vos cou-
 rones ? de quel fruit meslerons
 nous les fleurs ? de quel ruban em-
 bellitons nous ceste riche varieté ?
 Muses donnez y vos bouquets
 d'Hymette, Roys des Parthes vos
 parfums composez de toutes sortes
 d'Aromathes, Egypte qui parfois
 vous fondez toute en sueur, d'où
 vient le débordement du Nil, lors
 que le Solcil est au signe du Lyon,
 vos fleurs de Papyrus, puis qu'an-
 ciennement on s'en seruoit pour
 ombrager en Couronne, la teste
 des Dieux. Solphe de Perse, vos ar-
 bres qui produisent des Fleurs d'y-

ne senteur presque incroyable: Isles de Tylos, vos fleurs encore incarnatines, qui serrent & cachent leurs beautez durant la nuit, & decouurent leurs richesses au Soleil leuant, & sepanouissent du tout au Midy, beaux iardins de Grenade, amoureux & odoriferans vergers de l'Andalusie, vrais parterre de semiramis maintenant vos cedres & Citronniers à l'arriuee de ceste grande Princesse pour nos deuots sacrifices, & les vostres, c'estoient aussi durant les Troyens leurs senteurs ordinaires, avec lesquelles ils appaissoiēt leurs Deitez couroucées. Peuples vos couronnes de Chesne, Iustice vos Palmes, Noblesse vos lauriers, Clergé vos oliues, Dames vos myrthes amoureux, enfans tres Illustres de la maison de Bourbon vos

L'Ys odorans, Princes, Amis & Alliez de ces deux couronnées vos roses musquées, chargez en vos bras pour courber la teste de MADAME ELIZABET DE FRANCE, sous vne si douce pesanteur.

Ceux de l'Isle Espagnolle vont par chacun an en pelerinage à vne certaine grotte où ils adorent les Deitez & leurs offrent tout ce que leur forces leur peuuent permettre de porter sur le dos. MADAME, la France vous présente les vœux en offrande, & tous les enfans leur vie en perpetuel sacrifice ne voulant à iamais auoir rien de separé de vous que la d'esobeyssance, ny rien de particulier que vostre amour.

Que si le loyer se donne par merite, & le bien faict par grace nous ne pouuons, MADAME, nulle grace esperer de vous, puis que

nul merite particulier autre que ce-
luy de la naissance & de nostre affe-
ction, ne nous rend recommanda-
ble nous seront contrains de nous
seruir du Topaze & des fleurs d'hé-
lianthé, qui selon les Perles forcét
les Princesses a regarder d'un œil
benin & fauorable ceux qui s'en
seruent à cet vslage affin qu'estant e-
loignée de nos yeux nous ne le so-
yons de vos penlees de vostre a-
mour ny de vos affections estant
en Espagne.

Voilà les cris de ioye qui renfor-
cent parmy les bons lujets du Roy
& se foulent en couronnes de ro-
ses à qui sera le premier assuré de
l'accomplissement de vos Royalles
Hymenees. Paris s'en va vuider
d'hommes & vne bonne partye
du peuple court desia à ondes & à
flots droict en Guyenne pour pren-

dre sen contentement sur tant de
 magnificēces qui vous attédēt l'ob-
 jet de tant de grandeurs qui vous
 suiuent & vous suyurōt le long de ce
 voyage & après, nous emportent
 hors de nous & seble nous obliger
 a vous suivre iusques sur vos fron-
 tieres pour seruir d'oresnauant à
 vos Triomphes qui font espanouir
 vostre cœur au souuenir de cet
 aise prochaine, comme la belle
 fleur à l'aube desirée d'un ioyeux re-
 nouueau, & font cesser tous autres
 contentemens qui pourroiet d'ail-
 leurs chatouiller vos oreilles: aussi
 les voluptez qui procedēt & depēs-
 dēt des louables desseins prests à
 executer, obcurcissēt & amortissēt
 de leurs ioyes & grandeurs, celles
 qui prouiennēt du temps, du corps
 & de la fortune. La seule necessité
 retiēt cependant dās les villes ceux


de qui l'affection vous accompa-
gne tousiours, & l'amour desquels
est le plus riche ioyau qu'ils vous
departent en ce present Adieu, A-
dieu d'oc Princesse de merite Adieu
ELIZABET DE FRANCE, Deesse a-
doree és quatre parts du monde
puis qu'en tous les coings de la ter-
re ce Prince que vous espousez, a
des amis, des suiects, & des armes.
A Dieu la candeur de nos Lys, la
plus belle, la plus Noble, & la plus
riche fleur de noz parterres soyiez
tousiours en tout lieu de mesme
enuers la France, que la France desi-
re estre enuers vous.


F I N.


4473


2

—
—
—
—
—









100

